



Broj: 101-1- 2545/22

Datum: 25.8.2022. godine

Na osnovu člana 70. stav (1) Zakona o javnim nabavkama („Službeni glasnik BiH“, broj 39/14), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 180-2541 od 24.8.2022. godine, rektor Univerziteta „Džemal Bijedić“ u Mostaru, donosi

ODLUKU

o izboru najpovoljnijeg ponuđača u postupku javne nabavke „Nabavka radova na instalaciji vodovodne i kanalizacione mreže Studentskog doma Univerziteta 'Džemal Bijedić' u Mostaru“

I

Prihvata se prijedlog Komisije za javnu nabavku u postupku nabavke radova na instalaciji vodovodne i kanalizacione mreže Studentskog doma Univerziteta „Džemal Bijedić“ u Mostaru, broj: 180-2541 od 24.8.2022. godine, te se ponuđač „**Izgradnja Tojaga d.o.o.**“ proglašava najpovoljnijim sa ukupnom cijenom ponude u iznosu od 21.370,39 KM bez PDV-a.

II

Ugovor za javnu nabavku radova dodjeljuje se ponuđaču iz tačke I ove Odluke, sa ukupnom cijenom u iznosu od 21.370,39 KM bez PDV-a.

III

Plaćanje odabranom dobavljaču vrši se iz sredstava Univerziteta „Džemal Bijedić“ u Mostaru, na osnovu uslova iz Ugovora.

IV

Ova Odluka objavljuje se na web stranici Univerziteta, www.unmo.ba istovremeno sa upućivanjem obavještenja ponuđačima koji su učestvovali u postupku javne nabavke.

V

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14).

VI

Ova Odluka stupa na snagu danom donošenja.

Obrazloženje

Odlukom broj: 101-1-2482/22 od 22.7.2022. godine, godine pokrenut je postupak javne nabavke radova pod nazivom: „Nabavka radova na instalaciji vodovodne i kanalizacione mreže Studentskog doma Univerziteta 'Džemal Bijedić' u Mostaru“. Komisija za provođenje postupka javne nabavke imenovana je Odlukom broj: 101-1-2483/22 od 22.7.2022. godine.

Postupak nabavke proveden je putem konkurentskog zahtjeva za dostavu ponuda. Kriterij za dodjelu ugovora je najniža cijena. Shodno Odluci o pokretanju nabavke ukupna procijenjena vrijednost nabavke bez PDV-a iznosi 21.600,00 KM. U skladu sa Tenderskom dokumentacijom i obavještenjem o nabavci



dana 22.8.2022. godine sa početkom u 11:15 sati održano je javno otvaranje ponuda. U predviđenom roku za prijem ponuda (22.8.2022. godine do 11:00 sati) zaprimljene su dvije (2) ponude kako slijedi:

	Broj protokola	Naziv/ime ponuđača (šifra)	Datum i sat prijema
1.	180-2510	HP Investing d.o.o. Mostar	22.8.2022. godine u 09:33 sati
2.	180-2516	Izgradnja Tojaga d.o.o. Mostar	22.8.2022. godine u 10:35 sati

Komisija za postupak nabavke izvršila je pregled i ocjenu ponuda, detaljno i pojedinačno pregledala dostavljene dokaze tj. dokumente u svrhu dokazivanja svih traženih uslova u skladu sa Tenderskom dokumentacijom. Nakon završenog pregleda komisija je konstatovala da su sve primljene ponude kompletne i u skladu sa Tenderskom dokumentacijom.

U skladu sa tenderskom dokumentacijom zakazana je e-aukcija za dan 24.8.2022. godine u 13:00 sati. Na e-aukciju su pozvani svi ponuđači. E-aukcija održana je u skladu sa zakazanim terminom. U skladu sa Izvještajem o toku i završetku e-aukcije sa portala e-nabavke kreirana je konačna rang lista ponuđača, kako slijedi:

1. **Izgradnja Tojaga d.o.o.** sa ukupnom cijenom ponude u iznosu od 21.370,39 KM bez PDV-a,
2. **HP Investing d.o.o.** sa ukupnom cijenom ponude u iznosu od 21.582,61 KM bez PDV-a.

Komisija je u skladu sa kriterijem za dodjelu ugovora najniža cijena, predložila ugovornom organu da dodijeli ugovor za nabavku radova prvorangiranom ponuđaču „**Izgradnja Tojaga d.o.o.**“ sa ukupnom cijenom ponude u iznosu od 21.370,39 KM bez PDV-a.

Ovom Odlukom prihvaćen je prijedlog Komisije. U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi Bosne i Hercegovine putem ugovornog organa najkasnije u roku od 5 (pet) dana od dana prijema ove Odluke, u pisanoj formi u tri primjerka.


 prof. dr. Alena Huseinbegović

Prilog:

1. Zapisnik o pregledu i ocjeni ponuda

Dostaviti:

1. Ponuđačima
2. Finansijsko-računovodstvena služba
3. Arhiva javnih nabavki
4. a/a